



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

13. De salute Dominici &c. Jubileum pro Christifidelibus Italiæ & Insularum  
adjacentium, Divinam opem implorantibus in præsentibus necessitatibus.

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

judicio, & extra ubique adhibeatur, quae ipsis praesentibus adhiberetur, si forent exhibitae, vel ostensae. Datum Romae apud Sanctam Mariam Majorem sub Annulo Piscatoris die xxiv. Novembris MDCCII. Pontificatus nostri Anno Secundo.

F. Oliverius.

Loco + Annuli Piscatoris.

### CONCESSIO

XII.

Indulgentiarum Christifidelibus Italiae, & Insularum adjacentium, Divinum auxilium implorantibus in praesentibus Ecclesiae necessitatibus.

### CLEMENS PAPA XI.

Ad futuram rei memoriam.

**N**uper Nos ad Divinam opem in praesentibus Christianae Republicae urgentissimis necessitatibus implorandam in omnibus Almae Urbis nostrae Patriarchalibus, & Collegiatis, ac Parochialibus, & aliis quibusvis Secularium, & Regularium utriusque sexus Ecclesiis campanam majorem per quindecim dies continuos à secunda Dominica Adventus proximè praeteriti computandos, hora secundà noctis quotidie per spatium octavae partis horae pullari iussimus. Ac omnibus utriusque sexus Christifidelibus, qui durante sono campanae hujusmodi flexis genibus, vel aliter, prout valuissent, quinque orationem Dominicam, & salutationem Anglicam devotè recitassent, ac Divinam clementiam exorassent, ut Regibus, & Principibus Christianis pacem, & veram concordiam benignè largiri, necnon Catholicam Religionem à gravibus sibi imminentibus periculis, ac damnis pro sua immensà bonitate immunem servare dignaretur, singulis diebus, quibus id egissent, septem annos, & totidem quadragenas de injunctis eis, aut alias quomodolibet debitis poenitentis in formà Ecclesiae consuetà relaxavimus. Insuper iisdem Christifidelibus, qui praemissa per integrum quindecim dierum hujusmodi curriculum peregerint, ac in uno eorumdem quindecim dierum verè poenitentes, & confessi, ac sacra Communione refecti, aliquam ex Ecclesiis, seu Basilicis Urbis praefatae in honorem Beatissimae Virginis Mariae dicatis itidem devotè visitassent, divinamque clementiam ibidem similiter implorassent, plenariam omnium peccatorum suorum indulgentiam, & remissionem misericorditer in Domino concessimus.

§. 1. Nunc autem, ut iram Domini flagitiis hominum provocatam multiplicatis in dies Christianae pietatis operibus placare studeamus, ac quod fideliter petimus, validiori conjunctarum precum intercessione ab Omnipotentis Dei misericordia impetremus, Divinum auxilium in universa Italia, & Insulis illi adjacentibus pariformiter invocari cupientes, Venerabilibus Fratribus Patriarchis, Archiepiscopis, & Episcopis, aliisque Ecclesiarum Praelatis, & Ordinariis Civitatum, & Dioecesium, Oppidorum, Terrarum, & locorum universae Italiae, & Insularum illi adjacentium hujusmodi, seu eorum Vicariis in spiritualibus generalibus harum serie committimus, & mandamus, ut statim atque ipsarum praesentium literarum transumpta, seu exempla, etiam inpressa, ad illos pervenerint, campanas quotidie pariter per quindecim dies continuos ab eis praesentibus spatio octavae partis horae in suarum respectivè Civitatum, & Dioecesium, Op-

pidorum, Terrarum, & locorum tam Saecularium, quàm Regularium utriusque sexus Ecclesiis pullari mandent, ac Ecclesias, ut infra, visitandas designent, seu designari curent; Nos enim omnibus, & singulis utriusque sexus Christifidelibus, qui durante sono campanarum hujusmodi quinque orationem Dominicam, & salutationem Anglicam pariter recitaverint, divinamque clementiam, ut supra, imploraverint, quocumque die id egerint, similem poenitentiarum relaxationem. Illis verò, qui continuatè per dictos quindecim dies ejusmodi devotione in uno eorumdem quindecim dierum verè poenitentes, & confessi, ac sacra Communione refecti, Ecclesias per memoratos Ordinarios, & Praelatos, seu eorum Vicarios respectivè, sive illorum jussu designandas devotè visitaverint, ibique Divinam clementiam similiter imploraverint, plenariam itidem omnium peccatorum suorum indulgentiam, & remissionem concedimus pariter, & largimur.

§. 2. Ceterum regularibus utriusque sexus in perpetuam clausuram viventibus, necnon aliis Christifidelibus praefatis in carcere, vel corporis infirmitate, aliove quolibet impedimento detentis, qui Ecclesias, ut praemittitur; designandas, visitare nequiverint, ut ejusmodi visitationem Confessarius ex approbatis, seu approbandis ab Ordinariis in alia pietatis opera commutare, vel in aliud proximum tempus differre, eaque inungere possit, quae ipsi poenitentes adimplere poterunt, concedimus similiter, & indulgemus. Volumus autem, ut earundem praesentium literarum transumptis, seu exemplis, etiam inpressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in Judicio, & extra habeatur, quae praesentibus ipsis haberetur, si forent exhibitae, vel ostensae. Datum Romae apud Sanctum Petrum sub Annulo Piscatoris die xv. Januarii MDCCIII. Pontificatus Nostri Anno Tertio.

F. Oliverius.

Anno à Nativitate D. N. Jesu Christi millesimo septingentesimo tertio, Indictione undecima, die verò 5. mensis Januarii, Pontificatus Sanctiss. in Christo Patris, & D. N. D. Clementis Divina Providentia Papa XI. anno tertio, supradictae literae affixae, & publicatae fuerunt ad valvas Basilicarum Lateranensis, Principis Apostolorum, & S. Mariae Majoris, in Monte Citatorio, & in Acie Campi Flora de Urbe, aliisque locis solitis; & consuetis Urbis per me Thomam de Unionibus SS. D. N. Papae Curs.

Pro D. Magist. Curs. Joannes Baptista de Capellis Apost. Curs.

### JUBILEUM

Pro Christifidelibus Italiae, & Insularum adjacentium, Divinam opem implorantibus in praesentibus necessitatibus.

### CLEMENS PAPA XI.

Universis Christifidelibus praesentes literas inspecuris salutem, & Apostolicam benedictionem.

**D**E salute Domini gregis cura nostra divinitus commissi maternae charitatis studio solliciti in-

Exordium.

Christianæ Republicæ calamitates narrat.

Et novissimum Terræ motus flagellum, quo plurima loca, & ipsa Alma Urbs concussa fuerit.

Plenissimam Indulgentiam & peccatorum remissionem elargitur adimplentibus opera, quæ præscribitur.

ter tot tantisque, quibus Christiana Respublica his calamitissimis temporibus undequaque premitur, angustias, publicis pluries indictis precibus, ad sacram Misericordiarum Domini aram cum omni fiducia accedere non prætermisimus, supplicii, devotæque humilitate flagitantes, ut clementissimus Dominus noster cordium contritorum holocausta in odorem suavitatis accipiens, fidem populum ab iracundiæ suæ terroribus liberaret, ac spem, quam in ejus ineffabili bonitate reponimus, optatæ tandem cumulare letitiâ tranquillitatis. Verùm nondum obliuio Domino delicta populi sui, ac de peccatis nostris adhuc vindictam sumere meditante, cum nuperrimè ejus vocem, quâ commota est, & contremuit terra, auribus nostris, sub potenti manu Dei humilitati, non semel audiverimus; hoc ipsum verò propter indignationem Domini exercituum, & propter diem iræ furoris ejus evenisse probè agnovimus, ac proinde Christianifideles tam in Almâ Urbem nostrâ, quam in aliis quibusdam Status nostri Ecclesiastici, necnon Regni Neapolis Civitatibus & Diocæsibus, quas manus Domini propriis tetigit, degentes, opportunaque cælestis opis auxilia flagrantissimo cordis affectu implorare cupientes, ad iram Dei, quæ flagitiis hominum assidue læcessitur, per salutis penitentia lamenta, ac jejunia, & elemosynas, sinceræque, & unanimes obsecrationes, atque orationes placandam, prolatis largâ manu Ecclesiæ thesauris, quorum dispensationem Nobis credidit Altissimus, iterum atque iterum excitare studuerimus; Id ipsum nunc, ut & reliqui quoque Christianifideles Italiæ universæ, & Insularum illi adjacentium, scissis per veram penitentiam cordibus, ac auctis per juniorum labores, & elemosynarum largitiones viribus orationis, facere conitauerunt, eos omnes, & singulos paternè adhortandos, & monendos, eorumque pietatem, erogatis itidem amplissimis cælestium gratiarum muneribus, incitandam, atque fovendam esse censuimus.

§. 1. Itaque de Omnipotentis Dei misericordiâ, ac Beatorum Petri, & Pauli Apostolorum ejus auctoritate confisi, ex illa ligandi, & solvendi potestate, quam Nobis Dominus, licet indignis, contulit, omnibus, & singulis utriusque sexus Christianifidelibus in universâ Italiâ, & Insulis ei adjacentibus hujusmodi degentibus, qui Ecclesias ab Ordinaris Locorum, vel eorum Vicariis, seu Officialibus, aut de eorum mandato, & ipsis deficientibus, per eos, qui ibi curam animarum exercent, designandas, vel Ecclesiarum hujusmodi aliquam spatio duarum hebdomadarum à publicatione designationis per Ordinarios vel eorum Vicarios, seu Officiales, vel alios, ut præfertur, faciendâ decursuram, saltem semel devotè visitaverint, ibique pro Christianorum Principum concordia, hæresum extirpatione, ac Sanctæ Matris Ecclesiæ exaltatione per aliquod temporis spatium pias ad Deum preces effuderint, ac quartâ, & sexta feriis, & Sabbatho alterius ex præfatis hebdomadis jejunaverint, & peccata sua confessi, Sanctissimum Eucharistiæ Sacramentum Dominicâ immediate sequenti, vel aliâ die intra eandem hebdomadam reverenter sumperint, ac pauperibus aliquam elemosynam, prout unicuique suggeret devotio, erogaverint, plenissimam omnium peccatorum suorum indulgentiam, & remissionem, sicut in anno Jubilei visitantibus certas Ecclesias intra, & extra Urbem præfatam constitutas concedi consuevit, tenore præsentium concedimus, & elargimur.

§. 2. Navigantes verò, & iter agentes, ut cum primùm ad sua sese domicilia receperint, suscipiatis peractis, & visitata Ecclesiâ Cathedrali, vel Majore, aut Parochiali loci eorum domi-

cilii, eandem indulgentiam consequi possint, & valeant. Regularibus autem personis utriusque sexus, etiam in Claustris perpetuò degentibus, necnon aliis quibuscumque tam Laicis, quam Ecclesiasticis Sæcularibus, vel Regularibus etiam in carcere, aut captivitate existentibus, vel aliquâ corporis infirmitate, seu alio quocumque impedimento detentis, qui supra expressa, vel eorum aliqua præstare nequiverint, ut illa Confessarius ex jam approbatis à locorum Ordinariis ante præsentium publicationem, seu approbandis, eis in alia pietatis opera commutare, vel in aliud proximum tempus prorogare possit, eaque injungere, quæ ipsi penitentes efficere poterunt, pariter concedimus, & indulgemus. Insuper præfatis omnibus, & singulis utriusque sexus Christianifidelibus tam Laicis, quam Ecclesiasticis Sæcularibus, & Regularibus cujuscumque Ordinis, Congregationis, & Instituti in universâ Italiâ, & Insulis ei adjacentibus prædictis, sicut præmittitur, degentibus, licentiam concedimus, & facultatem, ut sibi ad hunc effectum eligere possint quemcumque Presbyterum Confessarium tam Sæcularem, quam cujuscumque Ordinis, & Instituti Regularem ex approbatis ut præfertur, à locorum Ordinariis, qui eos ab excommunicationis, suspensionis, & aliis Ecclesiasticis sententiis, & censuris à jure, vel ab homine quâvis causâ latis, seu inflictis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, seu Nobis, & Sedi Apostolicæ etiam per literas die Cænæ Domini legi solitas, & alias quascumque nostras, aut Romanorum Pontificum Prædecessorum nostrorum Constitutiones, quarum tenores præsentibus haberi volumus pro expressis, quomodocumque reservatis, in foro conscientia, & hac vice tantum absolvi, & liberare valeat; & insuper vota quæcumque (Religionis, & castitatis exceptis) in alia pia, & salutaria opera commutare, injunctâ tamen eis, & eorum cultet in prædictis omnibus casibus penitentia salutaris, aliisque ejusdem Confessarii arbitrio injungendis.

§. 3. Quapropter harum serie in virtute sanctæ obedientiaè districtè præcipimus atque mandamus Venerabilibus Fratribus Patriarchis, Archiepiscopis, & Episcopis, aliisque Ecclesiarum Præfatis, & quibuscumque Ordinariis Civitatum, & Diocæsium, Oppidorum, Terrarum, & locorum Italiæ, & Insularum ei adjacentium hujusmodi, eorumque Vicariis, & Officialibus, vel iis deficientibus, illis, qui curam animarum ibi exercent, ut cum primùm easdem præsentibus literas, sive illarum transumptas, seu exempla etiam impressa acceperint, illas, seu illa statim, & absque ullâ morâ, retardatione, vel impedimento per suas Ecclesias, & Diocæses, Provincias, Civitates, Oppida, Terras, & loca publicent, & publicari faciant, Ecclesiamque, seu Ecclesias visitandas designent. Non intendimus autem per præsentibus super aliquâ irregularitate publicâ, vel occultâ, notâ, defectu, incapacitate, seu inhabilitate quoquo modo contractâ dispensare, vel aliquam facultatem tribuere dispensandi, seu habilitandi; & in pristinum statum restituendi etiam in foro conscientia; neque easdem præsentibus iis, qui à Nobis, & Apostolicâ Sede, vel ab aliquo Præfato, seu Iudice Ecclesiastico excommunicati, suspensi, vel interdicti, seu aliâ in sententiâ, & censuris incidisse declarati, vel publicè denunciati fuerint, nisi intra tempus dictarum duarum hebdomadarum satisfecerint, aut cum Partibus concordaverint, ullo modo suffragari posse, aut debere.

§. 4. Non obstantibus constitutionibus, & ordinationibus.

Explicat opera à Navigantibus, Claustralibus, Carceratis, Captivis, & Infirmis adimplenda pro consecutione Jubilei.

Facultatem Confessariis tribuit absolventi à referatis, & commutandi Vota, Religionis, & Castitatis exceptis.

Jubileum ubique publicari mandatur.

Declarat suffragari non debere excommunicatis & publicè denunciatis, nisi infra terminum præfixum satisfecerint.

Derogat contrariis quibuscumque.

nationibus Apostolicis, præsertim illis, quibus facultas absolvendi in certis tunc expressis casibus ita Romano Pontifici pro tempore existentibus reservatur, ut nec etiam similes, vel dissimiles Indulgentiarum, & facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant; necnon regula nostra de non concedendis Indulgentiis ad instar, ac quotumcumque Ordinum, & Congregationum, seu Institutorum Regularium etiam juramento, confirmatione Apostolica, vel quavis firmitate aliâ roboratis statutis, & consuetudinibus; privilegiis quoque, Indultis, & literis Apostolicis eisdem Ordinibus, Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & indivisa, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac formam in eis traditam pro servatâ habentes, hac vice specialiter, nominatim, & expressè ad effectum præmissam derogamus, caterisque contrariis quibuscumque. Ut autem præsentibus nostræ literæ, quæ ad singula loca deferri non possunt, ad omnium notitiam facilius deveniant, volumus, ut earundem præsentium transcriptis, vel exemplis etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides habeatur, quæ haberetur ipsis præsentibus, si forent exhibitæ, vel ostensæ. Datum Romæ apud Sanctum Petrum sub Annulo Piscatoris die x. Martii MDCCIII. Pontificatus Nostri Anno Tertio.

F. Oliverius.

Anno à Nativitate D.N. Jesu Christi millesimo septingentesimo tertio, Indictione undecima, die vero 12. mensis Martii Pontificatus Sanctissimi in Christo Patris, & D. N. D. Clementis Divina Providentia Papæ XI. anno tertio, supradictæ literæ affixæ, & publicatæ fuerunt ad valvas Basilicarum Lateranensis, Principis Apostolorum, & S. Mariæ Majoris, in Monte Citorio, & in Acie Campi Floræ de Urbe, aliisque locis solitis, & consuetis Urbis, per me Thomam de Unionibus Sanctissimi D.N. Papæ Curf. Pro D. Mag. Curf. Thomas Orlandus.

XIV.

CONFIRMATIO

Quorundam Capitulorum cum deputatione Vicarii Generalis, & Definitorum, aliisque Ordinationibus pro Ordine Sanctissimæ Trinitatis Redemptionis Captivorum.

CLEMENS PAPA XI.

Ad futuram rei memoriam.

Exordium.

**R**edemptoris, & Domini Nostri Jesu Christi, qui charitas est, & Deus pacis, vices licet immeriti, gerentes in terris, ea, quæ inter Christiani delictos quotcumque, & præsertim illos, qui Altissimi obsequiis sub suavi Religionis iugo mancipati sunt, religiosæ tranquillitatis stabilendæ studio providè, prudenterque disposita, atque ordinata esse noscuntur, ut firma semper, atque inviolabilia permaneant Apostolici muniminis nostri præsidio, cum id à Nobis petitur, libenter corroboramus, & alias felici ipsorum Religiosorum statui, regimini, & quieti providemus, sicut conspiciamus in Domino salubriter expedire.

**S. 1.** Exponi siquidem Nobis nuper fecerunt dilecti filii Franciscus Ruiz Ordinis Fratrum Sanctissimæ Trinitatis Redemptionis Captivorum, & Clemens à Jesu Fratrum Discalceatorum Congregationis Gallicanæ ejusdem Ordinis Procuratores Generales, quod occasione variarum controversiarum, quæ dicti Ordinis statum, & religiosam quietem diu perturbarunt, ad majorem Dei gloriam, ac pro felici, prosperoque ipsius Ordinis regimine, & gubernio condita fuerunt nonnulla Capitula, per quæ videlicet ordinatur. Primo; ut Fratres omnium Provinciarum dicti Ordinis observare promittant illius Constitutiones, & additiones à fel. rec. Alexandro Papa VII. Prædecessore nostro approbatas, in iis tamen, quæ infra scriptis non advertantur; & casu, quo in proximè futuro Capitulo Generali ejusdem Ordinis aliqui pro felici ipsius Ordinis gubernio statuendum sit, sive scilicet ampliando, sive declarando dictas Constitutiones, sive etiam aliquam de novo condendo, possit id fieri accedente consensu majoris, & sanioris partis Vocantium; Ita tamen, ut quod inibi statutum fuerit, nullam vim, nec efficaciam habeat, nisi prius ab hac S. Sede confirmatum fuerit. II. Electio Ministri Generalis dicti Ordinis nunquam à solis quatuor antiquis Provinciis Galliæ, sed ab omnibus Provinciis ipsius Ordinis fiat, sicut per primitivas, & fundamentales ejusdem Ordinis leges in prima, & nona rec. mem. Innocentii III., ac decima Clementis IV. Romanorum Pontificum Prædecessorum pariter nostrorum literis sub plumbo expeditis, & prædictis ab Alexandro Prædecessore approbatis Constitutionibus contentas disponitur, necnon anno MDCLXXXVII. à dictâ Sede declaratum fuit. Porro quicumque dicti Ordinis Religiosus cujuslibet Nationis in Ministerium Generalem ipsius Ordinis eligi possit, omnesque Religiosi vocem activam, & passivam in electione hujusmodi habentes, vel habituri, ea, quæ in Constitutionibus, earumque additionibus prædictis ordinantur, & additionibus observanda sunt. IV. Ministris, seu Superioribus localibus quatuor antiquarum Provinciarum Franciæ, Campaniæ, Normandiæ, & Picardiæ dicti Ordinis vox activa in Capitulis Generalibus minime competat, prout nec competit Ministris, seu Superioribus localibus hujusmodi aliarum Provinciarum ejusdem Ordinis. V. Omnes Superiores locales sint triennales, & eorum electiones fiant secundum dictas Constitutiones. VI. Dictum proximè futurum Capitulum Generale, quod erit electivum simul, & correctivum, Dominicâ quartâ post Pascha Resurrectionis Dominicæ anni proximè venturi MDCCIV. in Conventu Cervi Frigidii nuncupato dicti Ordinis celebretur, ibique agatur, num de cætero omnia Capitula Generalia electiva dicti Ordinis in eodem Conventu habenda sint; ejusmodi verò deliberatio per suffragia majoris partis Vocantium fieri, illiusque confirmatio à Sede prædictâ obtineri debeat: Præterea in eodem proximè futuro Capitulo Generali locus pro Capitulis Generalibus correctivis de sexennio in sexennium de cætero celebrandis determinari possit, hujusque determinationis confirmatio à dictâ Sede pariter obtineri debeat. VII. Dicta Capitula Generalia correctiva de sexennio in sexennium, quemadmodum per Constitutiones, & earum additiones prædictas declaratur, celebrentur, & in illis Procurator Generalis (qui in hac Almâ Urbe residere tenebitur) ac Definitorum Generales dicti Ordinis ad sexennium tantum eligantur, eaque omnia, quæ in

Fratres observare promittant ita, & additiones ab Alexandro VII. approbatas.

Minister Generalis Ordinis ab omnibus Provinciis eligatur, & quilibet Religiosus cujusvis Nationis ad id munus eligi possit.

Superioribus localibus quatuor Provinciarum Franciæ, Campaniæ, Normandiæ, & Picardiæ, atque etiam aliarum Provinciarum Ordinis vox activa in Capitulis generalibus non competat. Superiores locales sint triennales. Locus determinetur pro Capitulis Generalibus electivis, & correctivis.

Capitula Generalia correctiva de sexennio in sexennium celebrantur, & in eis Procurator Generalis, & Definitorum Ordinis tantum eligantur.

eisdem